

“ТАСДИҚЛАНГАН”
“Тадбиркорликни ривожлантириш
компанияси” акциядорлик жамияти
Кузатув кенгашининг
2025 йил “27” августдаги
06/25 - сон йиғилиш баёнига

2 – илова

“ТАДБИРКОРЛИКНИ РИВОЖЛАНТИРИШ
КОМПАНИЯСИ” АКЦИЯДОРЛИК ЖАМИЯТИ ТОМОНИДАН
КОМПЕНСАЦИЯ ТАҚДИМ ЭТИШ ТАРТИБИ ТЎҒРИСИДАГИ
НИЗОМ

Тошкент – 2025 йил

МУНДАРИЖА

- 1-боб. Умумий қоидалар
- 2-боб. Компенсация тақдим этиш тартиби
- 3-боб. Компенсация тақдим этишнинг шартлари
- 4-боб. Компенсация тўхтатиб туриш, тўхтатиш, бекор қилиш ва қайта тиклаш тартиби
- 5-боб. Компенсация ҳисоблаш ва тўлаш тартиби
- 6-боб. Компенсация тўловларини амалга ошириш учун талаб этиладиган маблағлар манбаси
- 7-боб. Яқунловчи қоидалар

1-боб. Умумий қоидалар

1. Ушбу Низом Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонуни, Ўзбекистон Республикаси Президентининг 2023 йил 10 ноябрдаги “Кичик ва ўрта бизнесни молиявий қўллаб-қувватлаш тизимини такомиллаштириш чора-тадбирлари тўғрисида” ПФ-193-сон Фармони, 2025 йил 23 августдаги “Ўзбекистон Республикаси Президентининг тадбиркорлар билан V очиқ мулоқотида белгиланган вазифаларни амалга ошириш чора-тадбирлари тўғрисида”ги ПФ-138-сон Фармони ва “Тадбиркорликни ривожлантириш компанияси” акциядорлик жамияти (кейинги ўринларда – Компания) устави асосида ишлаб чиқилган.

2. Ушбу Низомда қуйидаги асосий тушунчалардан фойдаланилади:

кредит – қарз олувчи лойиҳаларини молиялаштириш учун фойдаланиладиган тижорат банки кредити;

тижорат банки – Ўзбекистон Республикаси Марказий банкнинг тегишли лицензиясига эга бўлган, Ўзбекистон Республикаси ҳудудида фаолият юритаётган тижорат ташкилоти;

қарз олувчи – Ўзбекистон Республикасида рўйхатдан ўтган ва тадбиркорлик ташаббусини амалга оширувчи тадбиркорлик субъекти;

лизинг – молиявий ижаранинг алоҳида тури бўлиб, унда бир тараф (лизинг берувчи) иккинчи тарафнинг (лизинг олувчининг) топшириғига биноан учинчи тарафдан (сотувчидан) лизинг шартномасида шартлашилган мол-мулкни (лизинг объектини) мулк қилиб олади ва уни лизинг олувчига шу шартномада белгиланган шартларда ҳақ эвазига эгалик қилиш ҳамда фойдаланиш учун ўн икки ойдан ортиқ муддатга беради;

сўровнома – қарз олувчи томонидан компенсация молиявий ёрдамидан фойдаланиш мақсадида Компаниянинг “Тадбиркор” ахборот тизими (кейинги ўринларда – Ахборот тизим) орқали шакллантирилган ҳамда электрон рақамли имзо (ЭРИ) билан тасдиқланган ҳолда тижорат банкига юбориладиган сўров;

буюртма – қарз олувчининг сўровномаси асосида тижорат банки томонидан компенсация молиявий ёрдамдан фойдаланиш мақсадида лойиҳа ва кредит параметрларини кўрсатган ҳолда Компаниянинг Ахборот тизими орқали шакллантирилган ҳамда ЭРИ билан тасдиқланган ариза;

асосий ставка – Буюртма тақдим этилган санада Ўзбекистон Республикаси Марказий банки томонидан белгиланган ва амалда бўлган фоиз ставкаси;

компенсация – тижорат банклари кредитлари (лизинглари) бўйича фоизли харажатларнинг бир қисmini қоплаш мақсадида Иқтисодиёт ва молия вазирлигида юридик шахс ташкил этмасдан очиладиган Кредит фоиз

харажатларини компенсация қилиш жамғармаси (кейинги ўринларда – Жамғарма) ҳисобидан беғараз ажратиладиган маблағ;

лойиҳалар – тадбиркорлик фаолиятдан иқтисодий, ижтимоий ва бошқа манфаат кўриш мақсадида амалга ошириладиган тадбирлар ва ишлар мажмуи;

кредитдан мақсадсиз фойдаланиш – кредит маблағлари кредит шартномаси ва (ёки) лойиҳа ҳужжатларида кўрсатиб ўтилган мақсадларга йўналтирилмаслиги ҳамда кредит маблағлари эвазига олинадиган товар (хизмат)ларни лойиҳа амалга ошириладиган ҳудудга тўлиқ ёки қисман етказиб берилмаслиги (олиб келинмаслиги) тушунилади;

кредитдан самарали фойдаланиш – компенсация тақдим этилиши орқали амалга оширилаётган лойиҳаларда реализация қилинган маҳсулот (хизмат) бўйича тушумнинг ортиб бориши тушунилади;

“Тадбиркор” ахборот тизими – электрон рақамли имзодан фойдаланган ҳолда молиявий ёрдамларидан фойдаланиш учун буюртмаларни юбориш, электрон шартномалар тузиш, ўзаро маълумотлар алмашиш имконини берувчи ахборот тизими (кейинги ўринларда – Ахборот тизим).

3. Компенсация тақдим этиш ва тўловларни Жамғарма орқали амалга ошириш Компенсациялар тақдим этиш бўлими томонидан амалга оширилади.

2-боб. Компенсация тақдим этиш тартиби

4. Компания томонидан компенсация тақдим этиш тартиби ушбу Низомга асосан амалга оширилади.

5. Компенсация:

а) Ўзбекистон Республикаси ҳудудида рўйхатдан ўтган ва фаолиятини амалга ошираётган;

б) тугатилиш босқичида бўлмаган;

в) уларга нисбатан тўловга қобилиятсизлик тўғрисида иш кўзгатилмаган;

г) барқарорлик рейтинги кўрсаткичи "D" бўлмаган;

д) аввал компенсация ёрдамидан фойдаланган ҳолда ажратилган кредитдан мақсадсиз фойдаланмаган қарз олувчиларга тақдим этилади.

Компенсация фақат Ахборот тизими орқали юборилган буюртма асосида тақдим этилади.

Компания ресурслари ҳисобига ажратилган кредит (лизинг)лар бўйича компенсация тақдим этилмайди.

6. Компенсация мазкур Низомнинг 1-иловасидаги схемага мувофиқ тақдим этилади.

7. Мазкур Низомнинг 2-иловасидаги йўналишларга компенсация ёрдами кўрсатилмайди.

8. Компенсация миқдор ва шартлари 3- иловага асосан белгиланади.

9. Тадбиркорлик субъектларининг ташкил этилган давридан қатъий назар компенсация тақдим этиладиган лойиҳалар 4-иловага асосан белгиланади.

10. Қарз олувчининг шакллантирган сўровномаси ҳамда тижорат банкининг буюртмаси компенсациядан фойдаланиш ташаббусига асос ҳисобланади.

Тижорат банкининг ҳудудий бўлинмаси кредит (лизинг) бериш тўғрисида қарор қабул қилса – компенсация олиш учун қарз олувчи томонидан яратилган сўровномани буюртнома шаклига келтиради ҳамда кўриб чиқиш учун тижорат банкига жўнатади;

Буюрма шакллантириш жараёнида маълумотларни мазкур низом талабларига мослиги скоринг таҳлил орқали сараланади.

Тижорат банки буюртманинг амалдаги норматив-ҳуқуқий ҳужжатлар, банк кредит сиёсати ва мазкур низомга мувофиқлигини кўриб чиқади, хато ва номувофиқликлар аниқланганда уни бартараф этишни сўраб буюртмани ҳудудий бўлинмага қайтаради.

Ҳудудий бўлинманинг масъул ходими буюртмага тегишли ўзгартириш киритиб, тижорат банкига кўриб чиқиш учун қайта юборади.

Тўғри шакллантирилган буюртмани тижорат банки Компанияга юборади.

Сўровнома ҳамда буюртмада кўрсатилган маълумотларнинг тўлиқлиги ва ҳаққонийлиги учун қарз олувчи ва тижорат банкининг уни имзолаган мансабдор шахси жавобгар ҳисобланади.

Компания буюртмани кўриб чиқиш жараёнида тижорат банкидан зарурият бўлган тақдирда қўшимча маълумот ва ҳужжатларни талаб қилиш ҳуқуқига эга.

3-боб. Компенсация тақдим этишнинг шартлари

11. Компенсация – Компания ҳамда тижорат банки ўртасида тузиладиган Бош келишувга асосан тақдим этилади.

12. Тижорат банки компенсация олувчи ҳисобланади.

4-боб. Компенсация тўхтатиб туриш, тўхтатиш, бекор қилиш ва қайта тиклаш тартиби

13. Компания қуйидаги ҳолатларда компенсация беришни **тўхтатиб туради:**

кредит (лизинг)нинг асосий қарзи ва фоиз тўловлари бўйича муддати ўтган қарздорлик юзага келган санадан ушбу қарздорлик бартараф этилгунга қадар. Бунда ушбу ҳолат банк ахборот тизими орқали автоматик равишда хабардор этилади;

қарз олувчи ва тижорат банкининг буюртмасида нотўғри ва/ёки ёлғон маълумотлар аниқланганда;

кредитдан қисман бошқа мақсадларда фойдаланилганда;

тижорат банки томонидан Компания рухсати олинмасдан кредит миқдори, мақсади ва (ёки) фоиз ставкаси ўзгартирилганда.

Тўхтатиб туриш сабаблари бартараф этилганлиги юзасидан тижорат банки томонидан Компания хабардор қилинган санадан компенсация ҳисоблаш қайта тикланади. Бунда, кредитдан қисман бошқа мақсадларда фойдаланилганда лойиҳанинг ишга туширилганлиги, кредитнинг бошқа мақсадларда ишлатилган қисми бартараф этилганлиги ва ортиқча олинган компенсация маблағи Компанияга қайтарилганлиги тўғрисида тижорат банкининг маълумоти асосида қайта тикланади.

Тўхтатилган давр учун компенсация тақдим этилмайди.

14. Қуйидаги ҳолатларда компенсация берилиши **тўхтатилади**:

қарз олувчи кредит (лизинг) шартномаси бўйича кредит (лизинг)ни тўлиқ қайтарса;

кредит (лизинг) ва/ёки компенсация бериш тўғрисидаги шартноманинг амал қилиши муддати тугаса;

кредит (лизинг) маблағларидан кредит (лизинг) ҳамда компенсация шартномаларида белгиланган мақсадларда ишлатилмаганда;

компенсация шартномаси тузилишидан аввал ажратилган кредитлар бўйича олинган бўлса;

қонунчилик ҳужжатларида назарда тутилган бошқа ҳолатларда.

15. Қуйидаги ҳолатларда компенсация:

мазкур Низом талабларига зид равишда ёлғон маълумот тақдим этиб олинган бўлса;

ўзгарувчан фоиз ставкасига боғланган кредитлар бўйича компенсация кўп олинган бўлса;

компенсация шартномасида муддати ўтган қарздорлик учун компенсация тўхтатилиши белгилаган санадан кейин олинган бўлса;

кредит шартномаси бўйича қарздорликни ундириш юзасидан берилган даъво ариза суд томонидан қаноатлантирилган кундан сўнг олинган бўлса;

қарз олувчи учун фаолият юритмаётган даври мобайнида компенсация олинган бўлса;

мазкур Низомнинг 14-банди тўртинчи ва бешинчи хатбошларида кўрсатилган ҳолатлар бўйича олинган бўлса Банк томонидан ортиқча ҳисоблаб олинган деб ҳисобланади.

16. Тижорат банки компенсация беришни тўхтатиб туриш ва тўхтатишни назарда тутувчи ҳолатларни аниқлаш мақсадида қарз олувчининг фаолияти юзасидан бир йилда камида бир марта мониторинг олиб боради ва мониторинг натижасига кўра компенсация беришни тўхтатиб туриш ва/ёки тўхтатишга асос бўлувчи ҳолатлар аниқланганда, бунинг натижасида компенсация ортиқча олинганлиги аниқланганда бу ҳақда Компанияни 5 (беш) иш куни мобайнида хабардор қилади.

17. Ортиқча олинган компенсация маблағлари тижорат банки томонидан 5 (беш) иш куни мобайнида Жамғармага қайтарилиши лозим.

Маблағлар белгиланган муддатда қайтарилмаган тақдирда, тижорат банкининг навбатдаги компенсация реестри умумий тўлов суммасидан ушлаб қолинади.

Ушлаб қолинган маблағлар ортиқча компенсация олган деб ҳисобланган қарз олувчилар ҳисобидан банк транзит ҳисобварағига қайта тикланади ва реестрда кўрсатилган қарз олувчиларга тўлиқлигича тўлаб берилади.

Ушлаб қолинadиган маблағ тақдим этилган реестрнинг 20 фоизидан ортиқ бўлмаслиги лозим. Бунда охириги тўлаб берилган реестрдан кейин тижорат банки томонидан ихтиёрий қайтарилган маблағлар инобатга олинади.

Ушбу қоида Компания (аввалги Тадбиркорлик фаолиятини қўллаб-қувватлаш давлат жамғармаси) билан аввал тузилган шартномалардан келиб чиқадиган муносабатларга ҳам татбиқ этилади.

18. Компания компенсация беришни тўхтатиб туриш ва тўхтатиш учун асос бўладиган ҳолат аниқлангани тўғрисида тижорат банкининг ёки бошқа ташкилотнинг хабарномасини олгандан сўнг 5 (беш) иш куни мобайнида компенсация беришни тўхтатиб туриш ва тўхтатиш чорасини кўради.

19. Тижорат банки компенсация маблағларининг мақсадли ҳамда самарали ишлатилишини назорат қилувчи органларга компенсация берилган кредит (лизинг)лар бўйича танлов асосида мониторинг қилиш ва тегишли хужжатларни олиш учун шароит яратиб беради.

20. Мониторингда аниқланган ҳолатлар бўйича қайтариладиган маблағларнинг 10 фоизи Компанияга ўтказилади.

21. Нотўғри ва/ёки ёлғон маълумотларнинг тақдим қилиниши, ушбу маълумотлар асосида компенсация олганлиги, шунингдек, тижорат банки ва қарз олувчи томонидан мажбуриятлар ўз вақтида бажарилмаганлиги, кредитдан мақсадсиз ва самарасиз фойдаланганлиги учун Компания жавобгар ҳисобланмайди.

22. Кредит (лизинг) ставкалари, муддатлари ва бошқа параметрлари ўзгарган тақдирда, компенсация ставкаси ва суммаси компенсация бериш тўғрисида қарор қабул қилинган санада қайд этилган даражадан юқори бўлмаган миқдорда ўзгариши мумкин.

23. Компенсация бериш тўхтатиб турилган, тўхтатилган ёки компенсация бериш тўғрисидаги шартнома муддатидан олдин бекор қилинган ҳолатларда:

бу қарз олувчининг ҳаракат ёки ҳаракатсизлиги билан содир бўлса – қарз олувчи кредит (лизинг) бўйича фоизларни тўлиқ тўлайди;

бу тижорат банкининг ҳаракат ёки ҳаракатсизлиги билан содир бўлса – банк компенсацияни ўз маблағлари ҳисобидан тўлайди.

5-боб. Компенсация ҳисоблаш ва тўлаш тартиби

24. Тижорат банки томонидан тақдим этиладиган реестр асосида Компенсация тўлови:

лойиҳа самарадорлиги ўрганиладиган (дастлабки) даврга қадар ҳар бир ой учун тўлаб берилади;

лойиҳа самарадорлигидан келиб чиқиб кейинги муддат давомида тўлаб борилади.

25. Тижорат банки компенсация берилиши тўғрисидаги шартнома амал қиладиган ҳар бир кредит (лизинг)нинг қолдиқлари бўйича ҳисобланган фоизлардан келиб чиққан ҳолда компенсация реестрини тузади.

Бунда:

лойиҳа ташаббускорларининг кредит (лизинг) маълумотларини Ахборот тизимига интеграциясини таъминлайди;

реестрни Компания талаблари доирасида электрон тарзда шакллантиради ва ваколатли шахс имзоси билан тасдиқлайди;

ЭРИ билан имзоланган реестрни Ахборот тизими орқали юбориши мумкин.

Тижорат банки шакллантириладиган реестрнинг барча ҳисоб-китобларини исталган муддатга онлайн режимда Компанияга тақдим этиш имкониятини яратишни назарда тутувчи дастурий таъминотга эга бўлиши лозим.

26. Компенсация тижорат банки томонидан бериладиган компенсация реестри асосида тўланади.

Компенсация реестрининг тўғрилиги ва тўлиқлиги учун тижорат банки жавобгар ҳисобланади.

27. Компаниянинг масъул бўлими тижорат банки томонидан тасдиқланган компенсация реестрига асосан тўловни амалга оширади.

28. Тижорат банки белгиланган тартибда компенсация шартномаларига асосан ҳисобланган ва компенсация қилинадиган фоизларнинг ҳисобини юритади.

6-боб. Компенсация тўловларини амалга ошириш учун талаб этиладиган маблағлар манбаси

29. Жамғарма маблағлари қуйидаги манбалар ҳисобидан шакллантирилади:

а) Ўзбекистон Республикаси Давлат бюджетининг ушбу мақсадлар учун ҳар йили тасдиқланадиган ажратмалар доирасидаги маблағлари;

б) компенсация ёрдамида тақдим этишга қаратилган халқаро молия институтлари, хорижий ҳукумат ташкилотлари ва бошқа донорларнинг Компанияга юкланган вазифаларни амалга ошириш учун жалб этиладиган кредитлари (қарзлари) ва грантлари.

30. Жамғарма маблағлари қолдиқлари йил якуни бўйича олиб қўйилмайди ҳамда кейинги йил параметрларида ҳисобга олинади.

7-боб. Якунловчи қоидалар

31. Ушбу Низом 2025 йилнинг 1 октябридан бошлаб кучга киради.

32. Ушбу Низомга қонун ҳужжатлари ўзгартирилганлиги, Компания Уставига, Компаниянинг ички ҳужжатларига ўзгартириш ва/ёки қўшимчалар киритилганлиги муносабати билан, шунингдек, бошқа ҳолларда ўзгартириш ва/ёки қўшимчалар киритилиши мумкин.

33. Агар ушбу Низомнинг алоҳида бандлари Ўзбекистон Республикасининг амалдаги қонун ҳужжатларига ва/ёки Компания Уставига зид келган тақдирда, Ўзбекистон Республикасининг қонунчилик ҳужжатлари ва/ёки Компания Устави қоидаларига амал қилинади.

34. Ушбу Низомни амалга оширишда юзага келадиган низолар қонунчилик ҳужжатларида белгиланган тартибда, шу жумладан, суд тартибида ҳал этилади.

“Тадбиркорликни ривожлантириш
компанияси” акциядорлик жамияти
томонидан компенсация тақдим
этиш тартиби тўғрисидаги низом
1-илова

“Тадбиркорликни ривожлантириш компанияси” акциядорлик жамияти томонидан компенсация тақдим этиш СХЕМАСИ

Босқичлар	Субъектлар	Тадбирлар	Ижро муддати
1-босқич	Қарз олувчи	ажратиладиган кредитга компенсация олиш юзасидан Ахборот тизими орқали тижорат банкига сўровнома юбориш.	Заруратга кўра
2-босқич	Тижорат банки худудий бўлинмаси Тижорат банки	компенсация олиш учун қарз олувчи томонидан яратилган сўровномани буюртнома шаклига келтириш; буюртмани кўриб чиқиш учун тижорат банкига жўнатиш; буюртманинг амалдаги норматив-ҳукукий ҳужжатлар, банк кредит сиёсати ва мазкур низомга мувофиқлигини кўриб чиқиб, тўғри шакллантирилган буюртмани Компанияга юбориш.	кредит сиёсати талабларидан келиб чиқиб
3-босқич	Компания	буюртмани кўриб чиқиш ва компенсация бериш ёки беришни рад этиш тўғрисида қарор қабул қилиш.	3 иш куни мобайнида
4-босқич	Компания	тижорат банки ва қарз олувчини қабул қилинган қарори тўғрисида Ахборот тизими орқали хабардор қилиш.	1 иш куни мобайнида
5-босқич	Қарз олувчи Қарз олувчи, Тижорат банки худудий бўлинмаси ва Компания	компенсация берилиши тўғрисида хабарномани олгандан сўнг: буюртмани кўриб чиқиш ва расмийлаштириш харажатлари учун бир марталик хизмат ҳақини тўлаш; компенсация берилиши тўғрисидаги шартномани ЭРИ билан имзолаш.	5 иш куни мобайнида
6-босқич	Тижорат банки Компания Тижорат банки	Компенсация реестрни тақдим қилиш; Компенсация маблағини дастлабки йил учун бир пайтнинг ўзида бир қанча кредит (лизинг) шартномалари бўйича тижорат банкининг 29801 – транзит ҳисобварағига ўтказиш;	Ҳисобот ойи якунлангандан сўнг Реестр олингандан сўнг 30 кун мобайнида

		Кейинги муддат учун лойиҳа самарадорлигидан келиб чиқиб тақдим этиладиган реестр асосида тўлаш. транзит ҳисобварағига тушган маблағларни ҳар бир қарз олувчи бўйича алоҳида очилган 16325 ҳисобварағига ўтказиш; тегишли ҳисобвараққа ўтказилмаган қолдиқ маблағни Жамғармага қайтариш.	10 иш кунида 1 иш куни
--	--	--	--------------------------------------

“Тадбиркорликни ривожлантириш
компанияси” акциядорлик жамияти
томонидан компенсация тақдим
этиш тартиби тўғрисидаги низомга
2-илова

**“Тадбиркорликни ривожлантириш компанияси” акциядорлик жамияти
томонидан компенсация тақдим этилмайдиган
ЙЎНАЛИШЛАР**

1. Алкоголь ва тамаки маҳсулотлари ишлаб чиқариш ва (ёки) улар савдосини ташкил этиш;
2. Илгари олинган кредит (лизинг)ларни ёки бошқа ҳар қандай қарзни қайтариш;
3. Нобанк кредит ташкилотлари, лизинг ва суғурта компаниялари фаолиятини ташкил этиш;
4. Савдо, умумий овқатланиш ҳамда автомобилларга ёнилғи қуйиш шохобчалари фаолиятини ташкил этиш ва амалга ошириш (бундан экспортлди молиялаштириш, “яшил” технологияларни сотиб олиш ва ўрнатиш мустасно);
5. Айланма маблағларни шакллантириш (экспортлди молиялаштириш, туризм ва асосий турдаги қишлоқ хўжалиги маҳсулотлари заҳирасини яратиш бундан мустасно);
6. Енгил ва илгари фойдаланишда бўлган юк автотранспорт воситалари сотиб олиш ва уларни таъмирлаш (чет элдан олиб келинадиган юк автотранспорт воситаларидан ташқари);
7. Бино-иншоотларни сотиб олиш (нодавлат умумий ўрта таълим ташкилотлари фаолиятини йўлга қўйиш бундан мустасно).

“Тадбиркорликни ривожлантириш
компанияси” акциядорлик жамияти
томонидан компенсация тақдим этиш
тартиби тўғрисидаги низом
3-илова

**“Тадбиркорликни ривожлантириш компанияси” акциядорлик жамияти
томонидан тақдим этиладиган компенсация
МИҚДОР ВА ШАРТЛАРИ***

Т/р	Қўллаб-қувватлаш тури	Иштирокчилар	Фойдаланиш муддатлари	Алоҳида шартлар
1.	3 миллиард сўмгача ажратиладиган кредитлар бўйича фоиз харажатларини қоплаш.	Фаолият даври уч йилгача бўлган кичик тадбиркорлик субъектлари.	3 йилдан ортиқ бўлмаган муддатга компенсация “1+2” тамойили асосида аввал кредит (лизинг)нинг дастлабки йилига тақдим этилади, кейинги 2 йил давомида қуйидагиларга асосан давом эттирилади: янги иш ўринларини яратиш режаси бажарилиши; йиллик реализация қилинган маҳсулот (хизмат) бўйича тушумнинг камида 15 фоизга ошиши. Ўрнатилган базавий меъёрлар бажарилмаган тақдирда ўтган давр учун компенсация тўлови кейинги йил (муддат)га ўтказилади. Бунда, меъёрларнинг бажарилишидан келиб чиқиб ҳар йил учун алоҳида ёки жами меъёрлар бажарилган тақдирда икки йил учун қўшиб қарз олувчининг ҳисобрақамига тўланади. Дастлаб кўрсатилган яратиладиган янги иш ўринлари сони режаси камайтирилган тақдирда компенсация тўловлари кейинги йиллар учун тўлаб берилмайди.	Компенсация йиллик Марказий банк асосий ставкасининг 4 фоизлик пунктидан юқори ва асосий ставканинг 1,75 бараваридан ошмаган ставкада миллий валютадаги кредитларга тақдим этилади. Кичик тадбиркорлик субъектларига ташкил этилган даврдан қатъи назар компенсация тақдим этиладиган йўналишлар Компания Кузатув кенгаши томонидан белгиланади. Компенсация ҳудуд тоифасидан келиб чиқиб 1-3 тоифадаги туманларда рўйхатдан ўтган тадбиркорларга Марказий банк асосий ставкасининг 30 фоизи миқдорида, 4 ва 5-тоифадаги туманларда рўйхатдан ўтган тадбиркорларга асосий ставканинг 40 фоизи миқдорида 2024-2026 йиллар давомида тақдим этилади. Дастлабки давр учун компенсация қилинадиган фоиз харажатлари ҳисоби 16325 баланс ҳисобварағида юритилади.
3.	Вилоят марказлари, Тошкент ва Нукус шаҳарлари,	2026–2028 йилларда тижорат банклари томонидан	Компенсация тўловлари “2+3” тамойили асосида аввал кредитнинг дастлабки икки йилига тақдим этилади, кейинги уч йил давомида меҳмонхона	Марказий банк асосий ставкасининг 2 бараваридан ошмаган ставкада миллий валютада ажратиладиган кредитларнинг

	туризмга ихтисослашган туман (шаҳар)ларда қурилаётган меҳмонхоналар учун 30 миллиард сўмгача ажратиладиган кредитлар учун	меҳмонхона қуриш учун ажратиладиган кредитлардан фойдаланадиган барча тоифадаги тадбиркорлик субъектлари	хизматларини кўрсатишдан тушган йиллик тушум 15 фоиз ва ундан ортиқ миқдордан ошган тақдирда ҳар ойда тижорат банки томонидан тақдим этиладиган реестр асосида тижорат банкининг 29801 – транзит ҳисобварағига амалга оширилади.	асосий ставкадан 4 фоизлик пункт юқори, бироқ 8 фоиз пунктигача бўлган қисми қоплаб берилади
	Бошқа ҳудудларда қурилаётган меҳмонхоналар учун 10 миллиард сўмгача ажратиладиган кредитлар учун			Марказий банк асосий ставкасининг 2 бараваридан ошмаган ставкада миллий валютада ажратиладиган кредитларнинг асосий ставкадан 4 фоизлик пункт юқори, бироқ 10 фоиз пунктигача бўлган қисми қоплаб берилади

**Ўзбекистон Республикаси Президенти ҳамда Вазирлар Маҳкамаси ҳужжатларида назарда тутилган ҳолатларда бошқача шарт ва қоидалар назарда тутилган бўлса, мазкур ҳужжатларда белгиланган миқдор ва шартлар амал қилади. Бунда мазкур низомда белгиланган миқдор ва шартларни истисно этмаган параметрлар сақланиб қолади.*

“Тадбиркорликни ривожлантириш
компанияси” акциядорлик жамияти
томонидан компенсация тақдим
этиш тартиби тўғрисидаги низом
4-илова

**“Тадбиркорликни ривожлантириш компанияси” акциядорлик жамияти
томонидан кичик тадбиркорлик субъектларининг ташкил этилган
давридан қатъий назар компенсация тақдим этиладиган ЛОЙИҲАЛАР**

Т/р	Йўналишлар	Лойиҳалар ичидаги лойиҳалар
1	Чиқиндиларни қайта ишлаш ва атроф муҳитни ифлосланишининг олдини олиш	қаттиқ маиший чиқиндиларни қайта ишлаш билан боғлиқ лойиҳалар; чиқиндиларни йўқ қилиш ва сақлаш билан боғлиқ лойиҳалар
2	Қайта тикланадиган ва экологик тоза энергия манбаларини ишлаб чиқариш	куёш энергияси лойиҳалари; шамол энергияси лойиҳалари; биомассадан электр энергияси ишлаб чиқариш лойиҳалари; интеллектуал электр тармоқлари бўйича лойиҳалар; бошқа лойиҳалар
3	Жойларда сув таъминотини яхшилаш	ичимлик суви хавфсизлиги бўйича муҳандислик лойиҳалари; сувни тежаш бўйича лойиҳалар;
4	Қурилиш ишларида энергияни тежаш ёки яшил бино қуриш	мавжуд биноларда олиб борилаётган қурилиш ишларини “яшил” трансформация қилиш лойиҳалари; яшил экологик қурилиш ишларини олиб бориш, фойдаланиш ва техник хизмат кўрсатиш лойиҳалари
5	Экологик тоза транспорт тизимини жорий этиш	жамоат экотранспорти лойиҳалари; атроф-муҳитни муҳофаза қилиш бўйича махсус транспортлар.
6	Энергия ресурсларини тежаш ва атроф-муҳитни муҳофаза қилиш лойиҳаларига хизмат кўрсатиш	қайта тикланувчи энергия технологияларига хизмат кўрсатиш; атроф-муҳитни муҳофаза қилиш хизматлари; сув хўжалиги хизматлари
7	Яшил инвестицияларни қўллаб-қувватлаш	“яшил” инновацияларни жорий этишда хусусий инвесторларни қўллаб-қувватлаш лойиҳалари
8	Энергия тежаш ва экологик тоза ишларни амалга оширишни рақамлаштириш ва уларга ўқитиш	яшил инфратузулма билан таъминлаш лойиҳалари; хизматларни рақамлаштириш билан боғлиқ лойиҳалар; яшил иқтисодиётга ўтишни ўқитиш ва консалтинг хизматлари кўрсатиш лойиҳалари
9	Хусусий таълим ва тарбия муассасаларини ташкил этиш ва ривожлантириш	хусусий мактаб ва мактабгача таълим ташкилотларини ташкил этиш лойиҳалари; хусусий институтларни ташкил этиш лойиҳалари

Т/р	Йўналишлар	Лойиҳалар ичидаги лойиҳалар
10	Хусусий тиббиёт муассасаларини ташкил этиш ва ривожлантириш	хусусий тиббиёт муассасаларини ташкил этиш лойиҳалари; хусусий тиббиёт муассасаларининг ташхис қўйиш, даволаш ҳамда жарроҳлик амалиётини ўтказиш бўйича технологияларни жорий қилиш лойиҳалари;
11	Озиқ – овқат хавфсизлиги таъминлаш	озиқ-овқат маҳсулотини етиштириш лойиҳалари; озиқ-овқат маҳсулотини ишлаб чиқариш лойиҳалари; озиқ-овқат маҳсулотини сақлаш лойиҳалари; озиқ-овқат маҳсулотини ташишга мўлжалланган воситаларни сотиб олиш лойиҳалари.
12	Аҳолини уй-жой билан таъминлаш	Кўп квартирали юқори қаватли уй-жойлар қуриш лойиҳаларига;
13	Экспортни қўллаб-қувватлаш	Ўзбекистон Республикасида ишлаб чиқарилган маҳсулот (хизмат) ларни экспортини амалга ошириш мақсадида айланма маблағни тўлдириш лойиҳалари
14	Хунармандчилик ва касаначиликни ривожлантириш	асбоб-ускуналарни сотиб олиш билан боғлиқ лойиҳалари